

Apiqutauqattaqtut: Maliganguqtitauyut Aangayaarnaqtuq Nauhimayunut

1. Wanuqtut “maliganguqtitauyut aangayaarnaqtuq nauhimayuq” tukiqaqpa?

Tamna “maliganguqtitauyut aangayaarnaqtuq nauhimayuq” tukilik ahianguqni amaligaq atugaulilagutikhainut Kanatamiunit niuviqni, hanani, atuqnilu aangayaarnaqtuq nauhimayuq. Taimailiugiame, Kavamatkut Kanatami hatqiqtitat tamna *Aangayaarnaqtuq Nauhimayuq Piquyat*. Una maligaq pinguititniaqta nutat maligait pipkailat inirniqnik niuviqnik, hanani, atuqniilu aangayaarnaqtuq nauhimayuq, pinguitaunilu akhurnatqiyaniq akiliqtutai inungnut tuniuqaiyut aangayaarnaqtuq nauhimayunik inulgammiqnut.

2. Hungmat tapkuat Kavamatkut Kanatami maligangugumayai aangayaarnaqtuq nauhimayuq?

Tapkuat Kavamatkut Kanatami uqaqhimayut tapkuat pittailini aangayaarnaqtuq nauhimayuq malikhugit ihuinaqtunut maligavut atuttiangitmata. Amihuvallat inulgammiiit pitlaqmagit aangayaarnaqtuq nauhimayuq, amihuvallat Kanatamiut pipkagauvakmata ihuinaqtunut apiqhugauninut havagutit inuuhuktunut ihuinagutauni, amihuvallat Kanatamiut ihuinaqtunut titiqtakmata piplugit tahapkuat huvallangittut ihuinagutaunit, maniliugutauplutiklu ihuaqhaqhimayut ihuinaqtunut. Maliganguqtauni aangayaarnaqtuq nauhimayuq, tapkuat kavamatuqatkut kavamait qanigutigiyat, pingugutauniaq atuttiatqiyaniq maligaqnut havagutainik hugiaqninut tahapkuat pityutit.

3. Hunauvat tahapkuat Kavamatkut Kanatami pinahuaqtai maliganguqtauninut aangayaarnaqtuq nauhimayuq?

Tapkuat Kavamatkut Kanatami uqaqtai pinahuaqni tapkuat:

- Pittailini inulgammiiit pitaqnik aangayaarnaqtuq nauhimayuq;
- Hapuhimani inulgammiiit pipkagahuaqninut piyumaliqtitniluniit atuqnik aangayaarnaqtuq nauhimayuq;
- Pittailini mikhigiaqnilu ihuinaqtut huliniit pipkaqninut akhurnaqtumik ihuinaqtut akiliqtutainik tahapkuninga ahuiguininut maligaqnik, piluaqtumik tikipkaiyut, aulaqtitaiyut piqaqtitiyutluniit aangayaarnaqtuq nauhimayuq inulgammiqnut;
- Hapuhimani inungnut aaniaqtailinit atuqhugit akhut hanayat hivuganaitnit nakuunilu piyaaqnit;
- Mikhigiaqni akhurnaqtut ihuinaqtut apiqhuyit;
- Piqaqtitni atulaliqtitauni hanayauni aangayaarnaqtuq nauhimayuq mikhigiaqninut ihuinaqtunut huliniit;
- Pipkalaqni iniqnit pihimani pilaqnilu maligaqtigut, nakuuyunik munagiyauni atulaqtitauni aangayaarnaqtuq nauhimayuq;
- Pivalliqtitni inungnit illitugiyauni aaniaqtailinit hivuganaqni piqatigiyai aangayaarnaqtuq nauhimayuq.

Ilitpaligiami tahapkungina Kavamatkut Kanataup parnautai qanugitnilu tapkuat *Aangayaarnaqtuq Nauhimayuq Piquyat* takulugu: <https://www.canada.ca/en/services/policing/justice/legalization-regulation-marijuana.html>

4. Aangayaarnaqtuq nauhimayuq atulaqtitauva tatyā?

Imannaq. Aangayaarnaqtuq nauhimayuq huli atulaqtitaungittuq. Tamnatuaq pipkagaulaq taktimin atuquyaukpat aangayaarnaqtuq nauhimayuq havautigiyaunianut piplugu tamnalū aangayaarnaqtuq nauhimayuq havautikhaq piyaukpat hanayiuyumin laisataqtitauyumin tapkunanga Kavamatkut Kanatami. Aangayaarnaqtuq nauhimayuq atulaqtitaulihaqniaq *kinguagut* tamna nutaq kavamatuqatkut kavamait *Aangayaarnaqtuq Nauhimayuq Piquyat* atuliqat.

5. Qakugu aangayaarnaqtuq nauhimayuq atulilaqniaqa?

Tapkuat kavamatuqatkut kavamait uqaqtut atuqpalianiaqtat tamna *Aangayaarnaqtuq Nauhimayuq Piquyat* atulaliqtitnilu aangayaarnaqtuq nauhimayuq qangiqtitnagu Julai 2018. Kihimik, ihumamiqniaq Nunavut ihumaliugutainut qanuqtut una atuqniagianga nunatagauyumi.

6. Hunanik tapkuat Kavamatkut Nunavut havaqaqniaqat pitainaqtat tamna *Aangayaarnaqtuq Nauhimayuq Piquyat* atuliqat?

Pigaluaqtitlugit tapkuat kavamatuqatkut kavamait maliganguqtiliqtai aangayaarnaqtuq nauhimayuq, Nunavut ihumaliulaq qanuqtut atuqpalianinut nunatagiyaqtingni. Una ilalik pipkaqni:

- Qanuq aangayaarnaqtuq nauhimayuq niuvgutaulaqnia;
- Humi aangayaarnaqtuq nauhimayuq atuqtaulaqnia (naunaipkutagiylugu pittailitai higaqtauni inungni);
- Naliak ilagiagiakhai tapkuat kavamatuqatkut mikiniqhaq ukiunga 18 niuviqlaqni atuqnilu aangayaarnaqtuq nauhimayuq;
- Qaphinik nautianik inuit naupkailaqni angilgamingni (piplugu kavamatuqatkut anginiqhamik hitamat nauttiat atuni iglugiyauyunut);
- Qanuq aktigiyumik aangayaarnaqtuq nauhimayuq inuk pihimalaqnia (piplugu kavamatuqatkutni anginiqpaq 30 grams atuni inungmun qangatuinnaq); tamnalū
- Inungnut ilihautini ilittuqhainiqlu tapkununga: tapkuat aaniaqtailiniqmun hivuganaqni aangayaarnaqtuq nauhimayuq, angayarnaqtut-atuqhugit aqutniq, havakvikmilu hivuganaitni tugangayut tapkununga aangayaarnaqtuq nauhimayuq ihunaqgutai.

7. Unauva uuktutauyuq atulanut-ukiunga inuup niuvilagiami atuqniklu aangayaarnaqtuq nauhimayuq?

Tamna kavamatuqatkut *Aangayaarnaqtuq Nauhimayuq Piquyat* uktutigiyaq mikiniqpaq ukiunga 18 ukiunik-ukiulgit. Kihimik, Nunavut piqatigiylugit ahii nunaqyuaqtat ihumaliulat puqtuhivalliqliqnia una ukiulngit piyumagumik.

8. Qanuqtut aangayaarnaqtuq nauhimayuq niuvgutauniaq?

Ihumamirniaqa Nunavut ihumaliurniqmik qanuq aangayaarnaqtuq nauhimayuq niuvigaulaqlia niuvgutaunialu tahamani nunatagauyumi.

9. Pilaqniaqat inuit nautialiuqni aangayaarnaqtuq nauhimayuq angilgamingni?

Tapkuat kavamatuqatkut kavamait *Aangayaarnaqtuq Nauhimayuq Piquyat* pipkalaqtai inuit nautialiuqnit mikiyumik aangayaarnaqtuq nauhimayuq angilgamingni – tikitlugu hitamat nauttiat. Kihimik, Nunavut nigualaq kikliqaqtitpalliqli nautialiurniq aangayaarnaqtuq nauhimayuq angilgamingni, ilautitlugit pipkalaqni ikitqiyaniq nautianik).

10. Pilarniaqat inuit higarniq aangayaarnaqtuq nauhimayuq inungni?

Ihumamiqniaq Nunavut ihumaliugutainik humi aangayaarnaqtuq nauhimayuq atuqtaulaqni, ilautitlugit naliat maligait kikliqagutit inungnit atuqni taimattauq maligait kikliqagutauni imiqluknut higarniqluniit tipaakunik inungni.

11. Pinaqa aqutniq “angayaqtumik” ikpigihutagititluguluniit taphuminga aangayaarnaqtuq nauhimayuq huli ihuinagutauniaqa?

Iiya. Kinguagugaluqaqtitlugu tapkuat kavamatuqatkut kavamait *Aangayaarnaqtuq Nauhimayuq Piquyat* maliganguqaqtitlugu akhut ihuinaqniuniaq aquttami ikpiguhutagiluni atuqniatit aangayaarnaqtuq nauhimayuq, taimattauq imingapluni aqutniqmik. Taty, pipkaqtitauniq ikpigihutagiqluni aqutniq pityutaulaq itiqtauniqmum hivitunianik tikitlugu 5 talvunga 10 ukiunik.

12. Qanuqli inuit atuqagu aangayaarnaqtuq nauhimayuq havagiaqlutik “angayartumik”?

Maliganguqtitauyut aangayaarnaqtuq nauhimayuq pipkailaittuq inungnik pilagutainik havagiagiama “angayaqtumik” atuqniakluniit aangayaarnaqtuq nauhimayuq quyagitnaq havakvikmi. Taimattauq imiqlukmik, havaktitiyut pilaqniat ihuaqhaqni maligait hugiaqniqni qanugiliuqni havaktit havagiaqtut angayaqtumik. Havaktitiyut pilaqniqmiyuttauq hugiaqni tapkuat havaktit aangayaarnaqtuq nauhimayuq atuqni higugahagutaunia havakvikmi hivuganaitnianik pittailliniluniit havagiangi havaminik.

13. What happens if someone gives aangayaarnaqtuq nauhimayuq to a minor after aangayaarnaqtuq nauhimayuq maliganguqtitauyut?

Kinguagutluniit aangayaarnaqtuq nauhimayuq maliganguqtitauyut pipkaqhugu aangayaarnaqtuq nauhimayuq ukiukitpallamun huli akhut ihuinaqniuyuuq. Ilaali, tamna *Aangayaarnaqtuq Nauhimayuq Piquyat* ilagialaqtai akiliqtilagutit tunihiniqmik aangayaarnaqtuq nauhimayuq ukiukitpallanut, tamna ilaqaq tikitlugu 14 ukiunik itiqtauniqmik.

14. Pinaqa aangayaarnaqtuq nauhimayuq hatqititaunia, atugahuaqunia hatqumiqtitaunialuniit niuviakhat?

Tapkuat kavamatuqatkut kavamait *Aangayaarnaqtuq Nauhimayuq Piquyat* pittailitauniaq hatqititainiqmik, atugahuaquni hatqiumanianikluniit aangayaarnaqtuq nauhimayuq hanayauhimayut, taimattaug maligaititut ihuaqhihimayut tapkununga tipaakut hanahimayut.

15. Pinaqa tamna maliganguqtitauyut aangayaarnaqtuq nauhimayuq ahiangugutaunia pilaqni havautigiyauyut aangayaarnaqtuq nauhimayuq?

Imannaq. Nunavummiut huli pilaqniaq pitaqni atuqnilu havautigiyauyut aangayaarnaqtuq nauhimayuq atuqhugit havautikhaqunia taktimin.

16. Hunauva Kavamatkut Nunavut pinaqat kiuyangi tapkuat kavamatuqatkut kavamait ihumaliuguta tapkununga maliganguqtitauyut aangayaarnaqtuq nauhimayuq?

Tapkuat Kavamatkut Nunavut atuqpiagahuat qiniqnik tamaita atulat hannaiyaqnik tamna hugiaqniaq tamna maliganguqtitauyut aangayaarnaqtuq nauhimayuq. Tapkuat GN-kut pinguqtat tamna Havaqatigit Ilagit taphumunga Aangayaarnaqtuq Nauhimayuq Maliganguqtitauyut hivuliqnik una naunaiyaqnia. Ikayuqniat una hivuliqnia pinahuarniq, tapkuat Havaqatigit Ilagit havagiyai hivulliqnut piqataunit uqaqatigini inungnutlu qauyhainiq.

Tamna pinahuaqnia tahapkuat hivulliqmik uqaqatigiknit pitaqniqmik atuqpiagtunik tuhaqviuni tahapkunanga Nunavummiut ikayuqnik tapkuat Havaqatigit Ilagit pivaliatitnut maliganguqtitauyut maligaitlu atulaqni piyangi Julai 2018 kiklikhanut. Piplugu Nunavut atuqtitnikha niuguarniqmik ukiakhaq, tapkuat tuklikhat kavamait pinaqta kingulliqpamik ihumaliugutit atuqtitnilu uqaqatiqaqpallirniqmik qanuqtut nakuuniqhamik kiugiaqnia aangayaarnaqtuq nauhimayuq maliganguqtitauyut aipaagu.

17. Qanugiliniaqa pikpat Nunavut pihimaitpagu inmingnik maliganguqtitauyut hannaiqni pivikhanut tamna *Aangayaarnaqtuq Nauhimayuq Piquyat* atuliqata?

Pikpat Nunavut pihimaitni maliganguqtitauyut ihuaqhini piniat maligiaqni tamaita maligait ihuaqhiyai kavamatuqatkut *Aangayaarnaqtuq Nauhimayuq Piquyat*. Una ilaqaqniaq tapkuat kavamatuqatkut maligait mikiniqhamun ukiulgit pitaqni atuqnilu aangayaarnaqtuq nauhimayuq (18 ukiunik ukiulgit), qanuqtut aktigiyumik inuk pihimalaqnia (tikitlugu 30 grams), qanuqtutlu aangayaarnaqtuq nauhimayuq niuvigaulaqnia (aquirtuiniq titigaqaqvikkut talvanga Kavamatkut Kanatami).